



**Francisci De Fargna Civitatis Plebis Patrii Philosophiæ,  
Sacræ Theologiæ, ac J. U. Doctoris ... Commentaria In  
singulos Canones De Jurepatronatus**

Qui sparsim tam intrà, quàm extra corpus Juris Canonici vagantur ...

**Fargna, Francesco de**

**Romæ, MDCCXVIII**

Casus I. Argumentum. Quibus, & quod modis vacet Beneficium de  
Jurepatronatus.

---

[urn:nbn:de:hbz:466:1-72203](https://nbn-resolving.org/urn:nbn:de:hbz:466:1-72203)



## ARGUMENTUM.

Quibus, & quot modis vacet Beneficium de Jurepatronatus?

## SUMMARIUM.

- 1 Vacatio cujuscumque Beneficii contingere potest multipliciter.
- 2 Beneficium de jurepatronatus vacat per obitum Beneficiarii, sed limita ut ibi -- Vacat etiam per renunciacionem, aut resignacionem, ut n. 3.
- 4 Renunciatio, seu resignatio Beneficii quod duplex fit?
- 5 Beneficium vacat per affecutionem alterius incompatibilis.
- 6 Vacatio Beneficii per affecutionem secundi incompatibilis, ad hoc ut sit valida, quae requirantur?
- 7 Beneficium vacat ob promotionem Beneficiarii ad Episcopatum, aut ad Abbatiam habentem jurisdictionem quasi Episcopalem, sed intellige, ut ibi.
- 8 Beneficium vacat ob contractum matrimonii, sed ad hujusmodi vacationem, quae requirantur? vide n. 9.
- 10 Beneficium vacat per ingressum Beneficiarii in Religionem
- 11 Beneficium vacat per privacionem, seu depositionem Beneficiarii
- 12 Quae sint delicta, propter quae Beneficiarius remaneat privus ipso jure Beneficio, & quae sint illa, propter quae non ipso jure Beneficiarius remaneat privus, sed sit per sententiam privandus? Et num. 3.

## CASVS I.

Cum juxta secundam conclusionem praesentatio fieri non possit, nisi Beneficio vacante Congruum hic duxi quære, quibus, & quot modis vacet Beneficium de Jurepatronatus?

- 1 Vacatio cujuscumque Beneficii contingere potest de facto, & de jure, vel de jure, & non de facto; vel è contra de facto, & non de jure. Specialiter autem Beneficium de Jurepatronatus vacat.
- 2 Primò per obitum Beneficiarii, juxta *Text. in cap. susceptum de rescript. in 6.*, ibique *Gemin. num. 6.*, Dummodo Beneficium non sit suppressum, aut subiective unitum mensæ Episcopali, aut Capitulo, aut Dignitati, tunc enim Beneficium sic uni-

Par. II.

tum non dicitur vacare per obitum, quia Beneficiarius in hoc casu dicitur potius usufructuarius, quàm Rector, *Gonzal. super regul. 7. Cancell. glos. 15. n. 7. Garz. de Benef. par. II. cap. 2. n. 3.*

- 3 Vacat secundò per renunciacionem, aut resignacionem, per hoc scilicet, quod Beneficiarius, renunciet, & resignet Beneficium, per quam renunciacionem Beneficiarius amittit proprietatem, & possessionem Beneficii, *Paris. de resignat. Benefic. lib. 1. quest. 5. Gabriel. consil. 190. num. 1.*, *Garz. de Benefic. par. II. cap. 3. num. 1.*

- 4 Renunciatio, seu resignatio Beneficii alia est *simplex*, scilicet quando Beneficiarius purè, & simpliciter resignat Beneficium in manibus Superioris; alia est *conditionalis*, seu in favorem, nimirum quando Beneficium renunciatur, & resignatur favore alicujus, cum vel sinè reservatione pensionis favore renunciantis, et alia est *reciproca*, videlicet quando unus Beneficiarius renunciat suum Beneficium favore alterius; Et hic renunciat etiam suum Beneficium favore primi, quæ renunciatio dicitur etiam ex causa permutationis, seu permutatio, *Text. in cap. 1. de rerum permut.*, & *in Clement. 1. eodem tit.*, sed de hoc modo vacationis Beneficii dicam plenius infra *Par. VI.*

- 5 Vacat tertio Beneficium per affecutionem alterius incompatibilis, juxta *Text. in cap. referente 7. cap. praterea 14. cap. de multa 28. de præben. cap. quia nonnulli de Cleric. non resid.*, & *Concil. Trident. sess. 7. de reformat. cap. 4. Lambertin. de jurepatr. lib. 2. par. 1. q. 6. art. 16. num. 1.*

- 6 Ad validitatem autem hujus vacationis per affecutionem secundi incompatibilis, non sufficit sola collatio, & acceptatio ejus, sed requiritur adeptio possessionis secundi, & quidem pacificæ, vel quòd per provisum stet, quo minus eam adipiscatur, juxta *Text. in cap. de multa cap. licet de præben. in 6. Garz. de Benefic. par. II. cap. 5. §. 1. nu. 100. Gonzal. ad regul. 8. glos. 15. n. 9.*

- 7 Vacat quartò Beneficium de Jurepatronatus ob promotionem Beneficiarii ad Episcopatum, aut ad Abbatiam habentem generalem, & omnimodam, & quasi Episcopalem jurisdictionem, cum ex Apostolo Episcopus debeat esse *vir unius*

G g g

uxo -



uxoris juxta *Text. in cap. cum in cunctis* §. 1. de election. , Lambertijn. de jurepatr. par. 1. lib. 2. quest. 6. art. 15. à n. 5. Oldrad. conf. 14. Felin. in cap. eam te de rescript. num. 7.

Sed Beneficium ob promotionem ad Episcopatum , aut ad Abbatiam non vacat , nisi post adeptam possessionem pacificam Episcopatus , & consecrationem , seu hujus loco lapsum trimestris ad consecrationem dati *Garz. de benef. par. 11. cap. 6. n. 5. , & cap. 7. n. 1.*

8 Vacat quondò ob contractum matrimonii , seu per hoc , quod Beneficiatus contrahat matrimonium juxta *Text. in cap. 1. & in cap. diversis fallaciis de Clericis conjug. Prob. ad Monach. in cap. 1. de Cleric. conjug. in 6. Gonz. ad regul. 8. gloss. 15. nu. 43.*

Ad hoc autem , ut Beneficium vacet per contractum matrimonii non requiritur , quòd matrimonium sit consummatum , sed sufficit , quòd non sit nullum *Garz. de Benef. par. 11. cap. 8. num. 3. , & seqq. , & quod Beneficium sit verè Beneficium Ecclesiasticum , aut incompatibile cum statu matrimoniali , nam si sit legatum pium , aut Cappellania merè laicalis non vacat per contractum matrimonii , dum ista retineri possit etiam à foemina , ex supradictis .*

10 Vacat sextò per ingressum in Religionem , sequuta tamen professione expressa , vel tacita juxta *Text. in cap. Consalvus 17. qu. 2. C. Beneficium de Regularibus in 6. , Gonzal. ad reg. 8. Cancell. dicta gloss. 15. nu. 4. 5.*

11 Vacat septimò per privationem , seu depositionem , quæ propter grave delictum imponitur juxta , *Garz. de benef. par. 11. cap. 10. n. 1.*

12 Sunt autem quædam delicta , propter quæ ipso jure Beneficiatus remanet privus Beneficio , ut est Assassinium juxta *Text. in cap. 1. de homicid. in 6.* Homicidium commissum in personam Cardinalis , aut Episcopi , aut Combenedicati juxta *Text. in cap. Felicis de panis , & in cap. quibusdam de pœnis Hæresis , propter enim hæresim Beneficiatus ipso jure privus remanet Beneficio juxta Doctores in cap. ut commissi §. Privandi de hæret. in 6.* Apostasia , Apostata enim ipso jure Beneficium amittunt *Gonz. ad reg. 8. gloss. 15.*

n. 66. Schisma , si sit cum hæresi , secus autem est si sit sine hæresi *Garz. de Benef. par. 11. cap. 10. n. 150. , & seqq.* Falsificatio literarum Apostolicarum , Falsarii enim dd. literarum sunt ipso jure privi Beneficiis juxta *Text. in cap. ad falsariorum de crimin. fals. Sodomia , sodomitæ namque juxta confit. 70. S. Pii V. omni Privilegio Clericali , omni officio , Dignitate , & Beneficio Ecclesiastico privatur , quod tamen intelligitur de exercente quasi continuatè sodomix crimen ; non verò de eo , qui semel , aut iterum illud perpetraverit , *Garz. ubi supra n. 198.* Violenta apprehensio , seu occupatio Beneficii ; ob violentam enim apprehensionem , seu occupationem Beneficii , quis privatur Beneficio *Garz. ubi supra cap. 10. nu. 208.**

13 Sunt autem alia delicta , propter quæ non ipso jure Beneficiatus remanet privus Beneficio , sed est per sententiam privandus , ut sunt perjurium ; perjurus enim est privandus Beneficio per sententiam juxta *Innoc. in cap. inter dilectos de excess. prælat. Garz. ubi supra nu. 167.* Sacrilegium *Garz. ubi supra n. 173.* Concubinitus , dum concubinarij sunt per sententiam privandi Beneficiis *Gloss. in cap. maximianus 81. dist. verb. removeantur Præcedente tamen trina monitione cap. sicut & cap. si autem. de cohabit. Cleric.*

#### ARGUMENTUM.

Per adeptionem Episcopatus , an vacet Commenda ; & an Summus Pontifex cum promotus ad Episcopatum dispensare possit , ut beneficia patronalia retineat in præjudicium Patroni ?

#### SUMMARIUM.

- 1 Refertur sententia nonnullorum insignium Advocatorum , & Doctorum , tuentium Commendas S. Religionis Hierosolymitane non vacare per adeptionem Episcopatus , & num. 11.
- 2 Commendas S. Religionis Hierosolymitane non esse Beneficia Ecclesiastica , & perpetua , sed simplices administrationes ex quibus probetur , & num. 3. 4. 6. 7. 8. 10.
- 4 Dicitio -- Quibuscumque omnia complectitur nihilo penitus excluso .

per